







910759 I

Mag. St. Dr.





INSTRUCTIO CONFESSARIORUM

DE MODO
AGENDI IN TRIBUNALI
POENITENTIÆ,
JUXTA INSTRUCTIONES
S. CAROLI BORROMÆI,
ET DOCTRINAM
S. FRANCISCI SALESII,
MANDATO
REVERENDISSIMI BAJOCENSIS
EPISCOPI

GALLICE EDITA
AD USUM CONFESSARIORUM
SUÆ DIOECESIS,

NUNC VERO
JUXTA QUARTAM CORREC-
TAM, EAMQUE NOTABILITER AU-
CTAM EDITIONEM PARISIENSEM
LATINITATE DONATA

A QUODAM
PRESBYTERO ECCLESIASTICO
SS. THEOLOGIÆ DOCTORE.

PARS SECUNDA.

OLOMUCHII MORAVORUM,
TYPIS JOSEPHÆ HIRNLIANÆ, FACTORÆ JOSEPHO
FRANCISCO LOSERTH. 1778.



910759

I

St. Dr. 2018. D. 131 / (115)

St. 2as.

1



P A R S II.

DE POTESTATE CONFES- SARIORUM

C A P U T I.

DE POTESTATE CONFESSARIO- RUM IN GENERE.

Qualitas præ reliquis in Confessa-
rio necessaria est potestas sol-
vendi & ligandi. Nam quantacunque
scientia, prudentia & virtute instru-
ctus sit, si hac destituatur, valide nun-
quam absolvet. Materia hæc accura-
tiori elucidatione & determinatione
indiget, ne periculo limites potesta-
tis sibi creditæ prætergrediendi ex-

ponantur Confessarii, quod frequenter ob materiæ hujus obscuritatem contingit, dum, vel in personas suæ Jurisdictioni non subjectas, vel a casibus reservatis, absolvendi potestatem sibi competere æstimant.

Vix aliquid in universa morali adeo tenebris involutum est, ac materia de potestate Confessariorum, cujus adeo frequenter sibi contrariantes Theologorum decisiones argumentum sufficiens sunt. Ita Concilium Tridentinum Episcopis universis potestatem asserit a casibus Summo Pontifici reservatis absolvendi, quamdiu occulti sunt; jam cum determinandum venit, quandonam casus occultus censi debeat? in diversas Theologi discedunt sententias; an Parochus speciali indigeat approbatione Episcopi ad excipiendas Confessiones in aliena Parochia proprio in id consentiente Parocho? an Sacerdos excommunicatus, denunciatus notorie hæreticus in articulo mortis valide absol-
vere



vere possit? hæ & infinitæ aliæ sunt quæstiones, circa quas Theologi non concordant, unde non nisi cum tremore hanc materiam explicandam suscipio, allaturus ea tantum, quæ probabiliora, & Sanctorum Patrum dictis magis conformia invenio, quæ tamen singula iudicio Sanctæ Matris Ecclesiæ subiecta volo.

Est Ecclesiæ Catholicæ doctrina, duplicis generis potestatem in Confessario requiri: prima potestas ordinis, quam in impositione manuum Presbyterii recipit a charactere Sacerdotali separari nescia. Secunda potestas jurisdictionis, quam Ecclesiasticus etiam non Presbyter, dum beneficium cum animarum cura obtinet, consequitur. Potestas Ordinis tribuit potentiam internam & supernaturalem ex parte ministri ad remittenda peccata necessariam. Potestas Jurisdictionis facultatem confert ex parte fidelium requisitam, scilicet auctoritatem judicandi & sententiam feren-

di in eos, qui de peccatis suis se accusant.

Utraque hæc potestas ad validam Sacramenti pœnitentiæ administrationem absolute necessaria est. Nam sicut potestatem Jurisdictionis habens, nisi Presbyter fuerit, valide non absolvit; ita quoque Presbyter ordinatus, nisi potestatem Jurisdictionis obtinuerit, dempto casu necessitatis, valide absolvere nequit.

Jurisdictionis potestas duplex distingui solet, alia est ordinaria, delegata alia; ordinaria: quam quis consequitur titulo beneficii, aut officii curam animarum annexam habentis, ut Episcopatus, Parochiæ &c. Delegata: quæ datur Presbyteris ordinariam Jurisdictionem non habentibus.

Ordinariam Jurisdictionem omnes pastores animarum in districtu pastortatus sui habent, ut Episcopi in Diocesi,

cesi, Parochi in parochia sua, Præpositi Religiosorum in religiosos suos, ita tamen, ut jurisdictio subordinatorum Pastorum respectu casuum quorundam vel Romano Pontifici, vel Episcopis reservatorum limitata sit.

Delegata Jurisdictio non solum quoad certas personas & casus, prout ordinaria limitari, verum etiam ad certum locum & tempus restringi potest; quæ restrictio, ut Concilium Tridentinum Sessione 14. Cap. 7. declarat, *coram Deo vim habet.*

Hæc potestas Jurisdictionis respectu Sacramenti poenitentiae, de qua nobis hic sermo est, delegari potest vel sola, vel cum omnibus aliis functionibus ordinariæ Jurisdictionis, Delegatur sola Presbyteris, Ecclesiasticis, aut Regularibus, dum pro excipiendis fidelium Confessionibus tantum approbantur. Delegatur cum omnibus functionibus ordinariæ Ju-

risdictionis, dum Vicariis, aut Cooperatoribus Parochorum potestas conceditur non modo fidelium confessiones excipiendi, verum & reliquas functiones pastorales in defectu pastoris proprii obeundi.

Delegatio a simplici approbatione differt, licet raro ab invicem separantur, & nomine approbationis delegatio frequenter intelligatur; nam approbatio proprie sumpta est actus, seu judicium Superioris, quo Episcopus quasi contestatur, quod ad excipiendas fidelium confessiones aptum hunc inveniat Sacerdotem; delegatio autem est actus voluntatis, quo reipsa Jurisdictionem in Fideles ei communicat, ut vi potestatis in ordinatione acceptæ eis peccata vel remittere, vel retinere possit.

Jurisdictionem ordinariam præter Episcopum non nisi quædam privilegiatæ personæ concedere possunt; omnis vero, qui ordinaria Jurisdictione
est



est instructus, eam Sacerdoti ab Episcopo approbato delegare potest; juxta hanc Canonistarum regulam: *Quivis habens Jurisdictionem ordinariam delegare potest.*

Sacerdos tantum ad excipiendas confessiones approbatus alteri non approbato hanc jurisdictionem delegare nequit; qui vero jurisdictionem delegatam ad universas functiones parochiales habet, ut Vicarii, aut Administratores Parochiarum, valet potestatem fidelium sibi subordinatorum confessiones excipiendi delegare Sacerdoti ab Episcopo approbato, nisi specialis exceptio respectu hujus ei facta est, aut contraria consuetudo in aliqua Diœcesi jam invaluit, tum enim præcepto, aut consuetudini parere deberet.

Cum titulus Jurisdictionis ordinariæ, aut delegatio ob quemdam defectum occultum invalida est, modo defectus circa jus naturale, aut divi-

num non versetur, absolutiones validæ sunt, quia Ecclesia defectum Jurisdictionis supplet; hinc si plures Presbyteri de eadem parochia canonice provisi fuissent, singuli valide absolverent, etsi unus eorum tantum, aut etiam nullus valide provissus sit, aut si Sacerdoti irregularitate, aut censura occulta irretito delegatio fieret, hæc etsi in se ipsa foret invalida, absolutiones tamen, quas talis tribueret, invalidæ non essent, donec nullitas ejusmodi delegationis palam fieret; & hoc est, quod intelligitur a Theologis, dum asserunt validam absolutionem, *cum adest titulus coloratus, nec publicus error adest.*

Si defectus esset juris naturalis, aut divini, ut dum laico Parochia, aut diacono, qui Presbyter putatur, licentia excipiendi fidelium confessiones conferretur, absolutiones ab his concessæ nullæ forent, talem enim defectum Ecclesia supplere nequit.

Nec

Nec supplet Ecclesia defectum in Confessario contra jus Ecclesiasticum, si notorius est. Episcopus ad confessiones diœcesanorum suorum excipiendas quemcunque Sacerdotem, etiam Diœceseos alienæ non habentem proprii Episcopi sui approbationem, approbare valet.

Ante Concilium Trident. Parochus quisque ad Parochianorum suorum confessiones excipiendas quemcunque Sacerdotem deputare poterat, ut hucusque respectu aliorum Sacramentorum, facere potest; a tempore autem Concilii hujus non potest eligere nisi talem, qui aut parochiale beneficium habeat, aut ab Episcopo idoneus judicatus approbationem ante obtinuit. Sic quoque alias quisunque Sacerdos confessiones eorum, qui venialibus solum peccatis onusti erant, excipere poterat, verum & hic usus anno 1679. per Innocentium XI. penitus abrogatus est.

Approbatio, & delegatio, quia actus gratiosi a liberalitate Episcopi dependentes sunt, non solum limitari, verum etiam ante tempus definitum revocari possunt, si ita Episcopo visum fuerit; pari modo Episcopo jus competit, quoties quis pro approbatione venit, eum de novo examini subjiciendi.

Præsumpta licentia ad validitatem absolutionis non sufficit, sed expressa, in terminis concessa, esse debet, id est: non sufficit, quo quis valide absolvat, præsumptio, quod Episcopus ei licentiam excipiendi confessiones daturus esset, si eam ab illo peteret, sed necesse est, ut reipsa eam petat, & obtineat. Confessarius pro una Diœcesi approbatus, etiam Diœcesanos alienos bona fide ad eum accedentes valide absolvere potest. Dixi tamen bona fide accedentes: nam si quis ad subterfugiendas censuras a proprio Episcopo latas accederet, ejus-

jusmodi homini concessa absolutio foret nulla.

Parochialem jurisdictionem habens territorio nullo circumscribitur, sed Parochianos suos etiam in aliena Diœcesi valide absolvere potest, quo tamen hunc jurisdictionis actum licite exerceat, oportet, ut a Parocho loci licentiam requirat. Licet Parochus vi beneficii sui jurisdictionem tantum in suos Parochianos habeat, potest tamen in subsidium ab alio vocatus, etiam in aliena Parochia confessiones excipere, nisi id specialiter ab Episcopo ei interdictum fuerit; consuetudo enim hæc jam obtinuit, & Episcopi scientis hæc fieri consensus tacitus adest.

Dum licentia conceditur alicui fidelium confessiones audiendi adjuncta hac clausula: *de consensu Parochi*, inquirendum venit, an hanc conditionem ad validitatem confessionis, an solum ad concordiam inter confessa-

rium & Parochum conservandam adjiciat; nam in primo casu absolutio concessa, licentia Parochi ante non obtenta, foret invalida. Idem observandum venit circa limitationem jurisdictionis ad certam Ecclesiam, vel Parochiam, nam si per hoc ipsam jurisdictionem limitare intendit Episcopus, talis Confessarius extra hunc valide non absolvit.

Approbatio generalibus terminis facta non includit in se licentiam absolvendi a casibus reservatis, aut excipiendi confessiones Monialium; ad hæc enim specialis & expressa licentia requiritur, quod ex ea Juris Canonici regula conjicimus, quæ statuit: *In generali concessione non veniunt ea, quæ quis non esset in specie verisimiliter concessurus.*

Parochus resignatione Parochiæ suæ facta, si amplius confessiones fidelium excipere velit, speciali Episcopi approbatione ad id indiget, quia
ea

ea ipsa die, qua successor hujus beneficii possessionem capit, ordinariam, quam ante habuit, amittit jurisdictionem.

Delegata Jurisdictio, quatuor modis cessare potest; *primo*: revocatione, ut primum hæc innotuerit ei, qui talem jurisdictionem habuit; *Secundo*: cum ad certum tempus restricta fuit, eo præterlapso. Inchoatam tamen ante confessionem prosequi, & ad finem usque perducere valet; hinc finis hujus temporis non respicit, nisi confessiones primo inchoandas, consummatione tamen ejusmodi confessionum anteceptorum cavendum est, ne scandali occasio tribuatur. *Tertio*: per irregularitatem aut censuram, quam incurrit is, qui jurisdictionem delegatam habuit, si denunciatus fuit, aut sententia condemnationis in eum lata, ei legaliter denunciata est; nam absolutio, quam daret ante denunciationem, aut ante sententiam sibi promulgatam, illicita tantum, non
vero

vero invalida foret, nisi ipsa irregularitas esset talis, quæ natura sua confessorium inhabilem reddit ad essentialia Sacramenti perficienda, ut e. g. privatio omnis loquelæ. *Quarto*: per mortem aut cellationem jurisdictionis in ipso delegante. Hoc tamen solum locum obtinet respectu Sacerdotum eorum, quibus delegatio facta est: personarum quarundam determinatarum confessiones excipiendi, si nondum confessiones has inchoarunt; nam si vel ante mortem delegantis inchoatæ fuissent, post mortem ejus consumari possent, vel approbatio generalis ad excipiendum confessiones in aliqua Diœcesi, aut Parochia data fuisset, per mortem Prælati qui eam concessit, non expiraret.

Licentia pœnitenti ipsi concessa: confessiones suas apperendi Sacerdoti, cui alias potestas confessiones excipiendi non erat, morte concedentis non finitur, etiamsi confessio ante eam inchoata non fuerit, quia permissio

missio talis in favorem petentis facta
censetur esse *gratia facta*.

Delegatio particularis facta per Vi-
carium Generalem morte ejus non fi-
nitur, quia potestas hæc in ipso Epis-
copo, cujus Vicarius generalis hic
erat, perdurat. Breve a Pœniten-
tiaria Romana acceptum, quo licen-
tia conceditur, vel absolvendi a ca-
su aliquo reservato, vel dispensandi
in re aliqua, executioni mandari po-
test etiam post mortem Pontificis,
quo vivente obtenta fuit ideo, quia
tribunal Sacræ Pœnitentiariæ conti-
nuo subsistit. *Bibl. Jag*

C A P U T II.

De Potestate Confessariorum re-
spectu Casuum Reservatorum.

Casus reservati nominantur ea pec-
cata, quorum absolutionem sibi
reservat Superior, ut Romanus Pon-
tifex, Episcopi, Generales, aut Pro-
vinciales ordinum Religiosorum.

Con-

Concilium Tridentinum expresse docet, quod in articulo mortis ab omnibus casibus, & censuris reservatis, quisque Sacerdos valide absolvere possit. Jam per articulum mortis Theologi probabile mortis periculum intelligunt; & quia Concilium hanc reservationem tollit ideo, nequis pereat defectu Sacramenti, inde inferunt, quod sub voce *omnibus censuris* Concilium suspensionem subintellectam non velit eo, quod suspensio nec a receptione Sacramentorum, nec ab æterna salute impediat quemquam.

In probabili mortis periculo quis censetur esse, dum in circumstantiis, quæ mortem causare possunt, positus est. Tales sunt: pestis, febris calida, pugna, puerperium &c. In his ergo circumstantiis, si confessarius personam inveniat censura quadam irretitam, aut reservato casu onustam, nec alius confessarius ab his absolvendi potestatem habens pro tunc haberi possit, absolvere omnino valet.

Sunt.

Sunt Theologi, qui æstimant sub voce *quicumque Sacerdos*, quam Concilium adhibet, Sacerdotem excommunicatum, & denunciatur, aut publice hæreticum non comprehendere, sed eam solum de Sacerdotibus in communione Ecclesiæ viventibus intelligi debere. Hinc, quia tutiora sequenda, ne periculo pœnitens exponatur, oportet, ut in ejusmodi circumstantiis, si supervenerit approbotus Sacerdos, aut saltem in Ecclesiæ communione constitutus, & id a pœnitente fieri valeat, confessio iteretur, aut saltem actu contritionis prius elicitæ absolutio de novo pœnitenti concedatur, quod si vero pœnitens omni sensu jam destituerit, ei absolutio conditionate dari poterit, dicendo: *Si non es absolutus, ego te absolvo &c.*

Qui in mortis periculo a Confessario absolute a casibus reservatis absoluti fuerunt, si convaluerint, ad superiorem a reservatis casibus absol-
vendi

vendī potestatem habentem redire non tenemur, nisi forte censura aliqua Ecclesiæ cum ejusmodi peccato foret conjuncta.

Is, qui censura innodatus Ecclesiæ obedientiam debitam præstare, eique se submittere, aut læsionem illatam reparare recusat, etiam in mortis articulo absolvi non debet.

Cum potestas absolvendi a reservatis in articulo mortis ideo unicuique Sacerdoti concessa sit, *ne quis pereat*, dispensatio autem in votis, suspensione, irregularitate, aut impedimentis matrimonii ad salutem morientis non requiratur, sequitur, quod hæc etiam in mortis articulo concedi non possit, nisi ab eo, cui potestas ista vel ordinaria, vel delegata est.

Nullus Superiorum a casu reservato absolutionem Sacramentalem tribuere potest, nisi audita prius confessione integra pœnitentis: integritas

tas enim confessionis Juris divini est; hinc, si quis casu reservato irretitus se præsentaverit, Superior vel integram Confessionem ejus excipere, vel potestatem ab hoc casu reservato absolvendi ordinario hujus personæ confessorio committere debet.

Juxta doctrinam Concilii Tridentini extra articulum mortis a casibus reservatis absolvere nullus valet, nisi hanc potestatem vel ordinariam vel delegatam habuerit; sed dum talis ei casus occurrit, vel ipse pro licentia recurrere, vel pœnitentem ad superiorem remittere debet. Hoc tamen non obstante Concilii decreto sunt circumstantiæ quædam, in quibus absolutionem potest tribuere Confessorius etiam extra mortis articulum.

Primo dum Bulla quædam Jubilæi aut indulgentiæ cujusdam cum præfatu Episcopi publicatur, in qua hæc licentia generaliter quibuscunque Sacerdotibus conceditur, nisi ab Episcopo

po specialiter quoad hoc punctum fuerit restricta.

Secundo dum persona quædam se præsentat, quæ sine infamia, Scandalo gravi, aut alio summi generis incommodo a receptione Sacramenti, aut alia functione sacra, ad quam status gratiæ prærequiritur, abstinere nequit, & confestarius a reservatis absolvendi potestatem habens præsto nullus est, ut e. g. Si Sacerdos esset, qui sacris operari jamjam teneretur, vel puella, quam ad sacram Synaxim duceadam mater oculatissima præstolaretur, tum enim, si cæteræ dispositiones omnes adsint, absolvi posset, quia tacitus hic præsupponi potest Superioris consensus. Non obstante tamen hac absolutione, ut primum poenitenti huic potestas fuerit, tenetur ad superiorem confugere, ut ab eo & poenitentiam condignam, & absolutionem recipiat. Dixi autem: Si cæteræ dispositiones omnes adsint; nam si desideraretur vera conversio, nul-

nullatenus absolvi deberet, aut si ad subterfugiendum quis data opera in tale tempus, talesque circumstantias confessionem differret, quam potuisset ante habenti potestatem absolvendi ab hoc casu facere; hujusmodi enim personis absolutio concedi non posset, quia *fraus, & dolus nemini debent patrocinari.*

Tertio Cum quis bona fide accessit ad Sacerdotem facultatem a reservatis absolvendi, & citra culpam propriam alicujus oblitus est, quod aperuisset, si ejusdem meminisset, non tenetur ultra ad eundem, vel alium Superiorem accedere, sed a quovis approbato Presbytero absolvi potest, eo, quod præcedenti absolutione implicite ab hoc peccato fuit absolutus.

Quarto dum pœnitens peccatum hoc reservatum jam confessus est Sacerdoti potestatem istam habenti, absolutionemque recepit, ac tandem eandem confessionem repetere tenetur,

tur, quia invalida est; si hæc confessio citra suam culpam invalida fuit, tum a quocunque confessario absolvi poterit; quod si autem data opera, & deliberate confessionem fecit invalidam, tenetur recurrere ad Superiorem.

Extra has quatuor circumstantias Sacerdos potestatem a reservatis absolvendi non habens, sine speciali licentia ad hoc obtenta nullum a casu reservato valide absolvere potest.

Qui a Romano Pontifice licentiam absolvendi a casibus Sacræ Sedi reservatis obtinuerunt, a casibus Episcopo reservatis vi hujus licentiæ absolvere non possunt.

Omnes Theologi, & Canonistæ in eo conveniunt, quod potestas absolvendi a casibus Romano Pontifici reservatis in se includat potestatem absolvendi etiam a censuris reservatis huic casui conjunctis, ac proinde posse

posse dari absolutionem a censura, quin absolutio etiam detur super peccato, facta autem semel remissione a censura, absolutionem a peccato per quemcunque confessorium dari posse.

Id ipsum dici potest de potestate absolvendi a casibus reservatis Episcopo, quod scilicet includat potestatem absolvendi ab excommunicatione huic casui conjuncta, nisi Episcopus expresse declaret, quod concedendo potestatem absolvendi a peccato, non velit simul concedere potestatem absolvendi a censura, rationem doctrinæ hujus ex hisce axiomatibus juris desumimus: *qui dat esse, dat consequentia adesse. Cui data est jurisdictio, ea quoque data sunt, sine quibus jurisdictio expediri non potest.* Nam sine potestate absolvendi ab excommunicatione potestatis absolvendi a casu reservato, cui excommunicatio est adnexa, usus nullus est; aliter se res haberet circa suspensionem casui re-

fervato annexam; quia, ut a peccato absolutio fieri possit, necesse non est suspensionem ante tolli.

Potestas absolvendi a censuris reservatis generaliter concessa respicit censuras tam a *jure*, quam ab *homine* generaliter latas, quia hæ posteriores generatim latæ, quasi a *jure* respiciuntur; quodsi autem censura aliqua feratur in specialem personam denominatam sive laicus, sive Ecclesiasticus is sit, ab hac generalem a censuris reservatis absolvendi potestatem habens absolvere non posset; prout etiam idem non valet a censuris specialiter reservatis personæ Episcopi absolvere, nisi specialem ad id licentiam obtinuerit.

Potestas absolvendi a censuris tam a *jure* quam ab *homine* in se non excludit potestatem absolvendi a censuris illis, quæ vel pro semper, vel ad certum determinatum tempus latæ sunt, nam hæ non ut puræ & nudæ censuræ, verum ut pœnæ constitutæ respici debent, quæ non tam absolute, quam

quam dispensatione statuti, aut sententiae tolluntur.

Licentia absolvendi ab omnibus casibus & censuris reservatis in se non includit potestatem dispensandi in votis, irregularitatibus; & impedimentis matrimonii, ad hoc enim requiritur, ut licentia hæc expresse concedatur. Cum per consensum Episcoporum omnibus fidelibus liberum sit confitendi peccata sua cuicumque Sacerdoti approbato, etiam in Dioecesi aliena, quam de qua poenitens est, sequitur: quod Confessarius respectu poenitentis ex alia Dioecesi bona tamen fide ad se venientis omni potestate, quam ab Episcopo accepit, per consequens etiam potestate absolvendi a casibus, & censuris reservatis dispensandi in materia voti, irregularitatis &c. uti possit. Nam ejusmodi advenæ, dum talem sibi confessarium eligunt, ejus jurisdictioni subjiciuntur, & Episcopus consentiens, ut ei peccata sua confiteantur, censetur

consentire, ut ipse omni, qua instructus est potestate, respectu illorum utatur.

Confessarius ad confessiones Monialium determinati Monasterii approbatus, vi approbationis hujus Monialium alterius cujusdam Monasterii confessiones excipere non valet, sicut nec ei, cui potestas concessa est titulo extraordinarii confessarii semel Monialium confessiones excipere, deinceps licet earum confessiones audire, nisi specialiter ad id denuo fuerit delegatus.

Omnis confessarius alienæ Diœceseos hominem bona fide ad se venientem absolvere etiam potest ab iis casibus, quos Episcopus proprius poenitentis sibi reservatos habet, modo eundem casus Ordinario confessarii non fuerint reservati; nam reservatio hæc se solum habet ex parte confessarii, cujus potestas per eam limitatur; sicut ergo non potest alienus Episcopus.

Pres-

Presbyteri alterius Diœcesis potestatem limitare, ita quoque reservationes illius non possunt talem confessarium in exercitio functionis suæ impedire. Excipiuntur tamen ab hac regula generali censuræ illæ, quæ nominatim contra aliquem per sententiam latæ fuerunt, ab his enim excepto articulo mortis nemo sine speciali licentia illius, qui censuram tulit, absolvere potest, nam *ejus est solvere, cujus est ligare.*

Quod si pœnitens in aliena Diœcesi peccata sua Sacerdoti approbato confitens se de aliquo delicto accusat, cujus absolutionem Episcopus hujus Diœceseos sibi reservavit, ad eum confessarius pro licentia absolvendi recurrere debet, etiamsi hoc delictum in Diœcesi, de qua pœnitens est, inter reservata non numeretur.

Si confessario alicui potestas absolvendi a casibus reservatis concessa fuerit ad certum tempus, hoc tempore

præterlapso adhuc a reservatis casibus
absolvere poterit eos, quorum co-
fessiones ante, quam tempus illud ex-
spirasset, jam fuerunt inchoatæ. Ubi
facultas absolvendi a casibus aut cen-
suris reservatis, vel dispensanti in
materia voti, irregularitatis, impe-
dimentorum matrimonii &c. indefini-
te, & sine restrictione alicui concessa
est, perpetuo durat, etiam post con-
cedentis mortem, nisi interveniat re-
vocatio, hoc fundatur in capite: *Si
cui: de Præbendis in 6to.* ubi Bouifa-
cius VIII. inquit: *Si cui nulla perso-
narum facta expressione sit gratiose
concessa facultas, ut auctoritate apo-
stolica possit aliquibus personis idoneis
in certa Ecclesia providere, vel be-
neficia conferre, hujusmodi concessio
(quam, cum specialem gratiam conti-
neat, decet esse mansuram) non exspi-
rat etiam re integra per obitum con-
cedentis. Nam & talis facultas spe-
cialem continet gratiam, ideo & eam
decet esse mansuram.*

Nec

Nec hic jufte objici poteft, quod per talem concessionem Epifcopus prior Succelloris fui jurisdictionem minuat, aut ei præjudicet; quando quidem Succellori jus competit, ut primum voluerit id revocare, ac per confequens impedire, ne in præjudicium auctoritatis fuæ quidquam fiat.

Delegatio facta confellario abfolvendi determinatam quamdam perfonam a cafu relervato, aut difpenfandi in materia voti per mortem Epifcopi concedentis exspirat, nifi ante mortem illius executioni dari jam cœperit, quod ex eodem capite, fupra citato, *Si cui inferimus, ubi ita Pontifex fubdit: Secus fi fuper provifione certæ perfonæ facienda fit data potestas eidem non ob fuam, fed ejus, cui provideri mandatur, gratiam vel favorem, illa quidem exspirat omnino, fi concedens re integra moriatur.* Cauſa hujus hæc eſt, quia in tali particulari cafu non tam conceditur potestas abfolvendi, quam ipſa abſolutio, cu-

ius nudum ministerium, seu simplex executio tali Sacerdoti tantum committitur.

Potestas absolvendi a reservatis, & aliæ hujus generis, quæ hac clausula conceduntur: *ad beneplacitum nostrum, ad nostram voluntatem, quamdiu voluero*, expirant per mortem concedentis, quia morte interveniente vel le desinit. Hujus fundamentum e capite quinto de Rescriptis in 6to desumimus, ubi dicitur: *si gratiose tibi concedatur a Romano Pontifice, ut beneficia possis usque ad suæ voluntatis beneplacitum retinere, hujusmodi gratia per ejus obitum eo ipso expirat.*

Quodsi autem Episcopus concederet potestatem talem eousque, donec eam revocaverit, aut aliter ordinaverit, hæc potestas accepta morte ejus non expiraret; nam hæc verba, *donec revocavero, vel aliter ordinavero* important actum positivum voluntatis, aliter ordinantis, vel gratiam
re-

revocantis, qui actus si in vita habitus non sit, cum post mortem haberi nequeat, durabit gratia, donec ab alio ejus successore revocetur.

Dum Episcopus inter casus reservados etiam censuras vel dispensationes ponit, ut in Bajocensi Diœcesi mos obtinet, censetur cum potestate a casibus reservatis absolvendi, simul potestatem absolvendi ab his censuris aut concedendi talem dispensationem conferre, nisi in generali concessione facta, hæc specialiter excipiat; non enim semper reipsa utramque hanc licentiam concedunt, & tum hanc posteriorem specialiter excipiunt, ut apparet e Rituali Bajocensi, ubi hæc nota ponitur; *caveat tamen Sacerdos, cui concessa est facultas absolvendi a casibus D. Episcopo reservatis, ne sub prætextu ejusdem facultatis suspensos, interdictos --- rehabilitare, ne in votis & impedimentis matrimonii dispensare præsumat, nisi specialiter ad hoc obtinuerit facultatem.*

B 5

Illi,

Illi, qui intentionem non habent indulgentias Jubilæi lucrandi, per confessarium, cui intuitu hujus indulgentiæ solum potestas a reservatis absolvendi concessa est, absolvi a reservatis casibus non possunt, quodsi tamen initio Jubilæi confitens cum intentione indulgentias lucrandi absolutus fuisset, tandem vero reliqua opera in Bulla præscripta præstare neglexisset, valida foret absolutio ob-
tenta.

Eos, qui suspensionis censuram incurrerunt, quiscunque confessarius etiam a reservatis casibus absolvendi potestatem non habens valide a peccatis absolvere potest, quia suspensio effectu Sacramentorum non privat; ille autem, qui nominatim interdictus est, aut excommunicatus, nisi prius ab eo, cui potestas hæc est, a censura absolvatur, valide a peccatis absolvi nequit, censure enim istæ obstaculum valori absolutionis ponunt. Illi, qui vel ipsum crimen commise-
runt,

runt, vel perpetrations cooperati sunt, ob quod interdictum locale latum fuit, absolvi, excepto articulo mortis, non possunt, nisi sublato interdicto.

Quando potestas absolvendi a casibus Romano Pontifici reservatis est alicui dignitati, aut officio annexa, is, qui ea instructus est, hanc potestatem aliis delegare potest, non tamen eam delegare valet, qui per speciale Breve ab aliquo casu, aut censura absolvendi, aut dispensationem impertiendi potestatem obtinuit.

Sunt, qui putant iis, qui pœnitentarii munere funguntur, jus competere non modo a casibus Episcopo reservatis absolvendi, verum etiam hanc eandem potestatem delegandi aliis, sed minus verisimiliter, quandoquidem Concilium Lateranense & Tridentinum, quæ duo Concilia pœnitentiariorum institutionem præceperunt, nullum aliud iis tribuunt privilegium, quam ut tempore, quo excipiendis

confessionibus vacant, in Choro præsentibus habeantur; nec etiam credibile est, quod Episcopi se jure proprio in favorem pœnitentiariorum abdicare voluerint; quid? quod sicut ad excipiendas fidelium confessiones approbatio Episcopi necessaria est, ita ad absolvendum a casibus reservatis, quæ potestas particulari capacitate opus habet, specialis etiam approbatio necessaria sit, quæ concedi, non potest, nisi ab ipso Episcopo, vel ab eo, cui id Episcopus commiserat.

Episcopus Decanis ruralibus aut Vicarius foraneis, aliisque Sacerdotibus potestatem a casibus reservatis absolvendi non tribuit nisi ob eorum propriam capacitatem; quare & ipsi hanc potestatem delegare aliis non valent, nisi forte & hæc ipsa potestas ab Ordinario eis fuerit concessa.

Om-

Omnes illi casus, quorum in aliqua
Dioecesi absolutionem Episcopus sibi
ipsi reservat, tales censeri debent,
quod nemini, nisi specialem ab Epif-
copo licentiam ad id obtinuerit, ab
iis absolvere licitum sit; quia tamen
contingere potest, ut aliquando ab-
solutionem a censura sibi Episcopus
reservet, quin ipsum peccatum, per
quod incurritur, in catalogo casuum
reservatorum sit expressum, & tum
caveat Sacerdos; ne forte ab hac cen-
sura absolvat aliquem sub prætextu,
quod ipsum peccatum, quo incurri-
tur, reservatum non sit.

Quodsi Confessarius potestatem a
reservatis absolvendi non habens ali-
quem peccatorem a reservato casu ab-
solverit, ipsa talis absolutio nulla est;
quapropter tenetur, si id fieri possit,
revocare pœnitentem, eum de nul-
litate absolutionis instruere, ac quo
ad superiorem absolutionis obtinendæ
causâ se convertat, monere; quodsi
autem id fieri non valeat, ipse pro

liſto hoc pœnitentiam agat, ac de ſalute pœnitentis illius non angatur; nam cum bona fide pœnitens egerit, remiſſionem delicti a Deo certe obtenturus eſt. Quodſi autem ira abſolutus ſit unus de ordinariis hujus confellarii pœnitentibus, conveniens erit, ut ipſe confellarius pro poteſtate abſolvendi a tali caſu ad Ordinarium recurraſſet, ac pœnitentem ad ſe reverſum poſt generalem peccatorum prioris confellionis repetitionem abſolvat.

C A P U T II

Excepta de Jure Canonico ad
caſus reſervatos Romano Ponti-
fici pertinentia.

I.

*Si quis ſurdente diabolo -- -- in
Clericum vel Monachum violentas
manus injecerit. Can. Signis. 17. q. 4.*

*NB. imo. Per vocem Monachus Re-
ligioſi cujuſcunque ordinis & ſexus,
etiam ipſi novitii habitu religionis
inve-*

investiti intelliguntur, *Cap. Non dubium & Cap. de Monialibus de sent. excom.*

2do. Necesse est, ut violentia ipsa personæ Ecclesiasticæ vel religiosæ illata gravis sit, aut ratione effectus, qui inde secutus est, ut mors, mutilatio, aut gravis vulneratio, vel ratione circumstantiarum, ut si Sacerdotem sacris operantem etiam leviter tantum percuteret; nam ubi effectus gravis non est, casus solum Episcopo est reservatus, *Cap. Pervenit, de sent. Exc.*

3tio. In dubio, an gravis, an levis sit violentia facta, casus reservatus ab Ordinario censeri debet.

4to. Qui ad percussione[m] Clerici mandatum vel consilium dedit, qui percussione[m] talem non impedivit, ubi & potuit & debuit, denique qui percussione[m] talem sui causa[m] factam
ap-

approbavit, excommunicationis reservatæ sententiam incurrit. *Cap. Mulieres* & *Cap. Quantæ de sent. Exc.* & *Cap. cum quis eodem titulo in 6to.*

5to. Clericus reipsa degradatus, aut qui non virginem sibi matrimonio sociavit, Privilegio Canonis non fruntur, prout etiam ii, qui habitum Clericalem, aut religionis deponunt, ut facilius crimen aliquod perpetrare valeant, pro hoc tempore eodem privilegio privantur. *Cap. Cum non de sent. Exc.*

6to. Clericus, qui virginem matrimonio sibi sociavit, privilegio Canonis non fruitur, nisi dum tonsuram & habitum clericalem desert, ac servitio alicujus Ecclesiæ est addictus. *Concilium Trident. Sess. 23. Cap. 6. de Reform.*

7mo. Clericus, qui Sacris ordinibus insignitus non est, nec beneficium aliquod obtinet, nec tonsuram & habitum

bitum clericalem desert, non censetur privilegio Canonis frui.

II.

Si quis Sanctæ Romanæ Ecclesiæ Cardinalem fuerit hostiliter inscutus, vel percussērit, aut ceperit, vel socius fuerit facientis, aut fieri mandaverit, vel factam ratum habuerit, aut consilium dederit vel favorem, vel postea receptaverit, aut defensaverit scienter eundem. Cap. Felicis. de pœnis in 6to.

III.

Si quis quemvis Pontificem injuriose vel temere percussērit, aut ceperit, seu banniverit, vel hæc mandaverit fieri, aut facta ab aliis rata habuerit, vel socius in his fuerit facientis, aut, consilium in his dederit, vel favorem seu scienter defensaverit eundem. Clem. de pœnis, cap. 1.

IV.

Universi & singuli, qui quomodolibet dando vel recipiendo (Ordines vel Bene-

Beneficia Ecclesiastica 1) *Simoniam commiserint, vel quod illa fiat, mediatores extiterint, seu procuraverint.* Extrav. Com. cum detestabile, de Sim.

NB. Imo. Quo quis hanc reservationem incurrat necesse est, ut Simonia sit realis, ita quidem, ut ex una parte res Spiritualis, ex altera vero res temporalis vel ex toto, vel ex parte data fuerit.

2do. Cum confidentialis Simonia veri nominis Simonia sit, dubitari nequit, quod cum realiter ex utraque parte commissa fuit, tam committentes eam, quam eorum interlocutores excommunicationis sententiam Romano Pontifici reservatam incurrerint, immo sola conventio conditionalis, si donatio beneficii eam secuta est, casus reservatus erit, tam respectu partium convenientium, quam respectu mediatorum.

V.

Incendiarii, ex quo sunt per Ecclesie sententiam publicati. Cap. Tuam nos, de sent. excom.

NB. Sive ædificium, quod conflavit, Sacrum, five profanum fuerit, modo reus nominatim ab Episcopo excommunicetur & publice denunciatur, casus Romano Pontifici reservatus est.

VI.

Qui Ecclesias violenter confregerunt, easque spoliare minime dubitarunt. Cap. Conquesti. de Sent. exc.

NB. Quo crimen hoc Romano Pontifici reservetur, oportet, ut reus nominatim denunciatur, quod inferitur ex verbis: *Excommunicatos denuncietis* quæ eodem capite leguntur.

VII.

Si quis falsas litteras (Pontificias) se habere cognoscit, nisi intra viginti dies

dies litteras illas aut destruat, aut resignet. Postquam excommunicatus fuit ab Episcopo. Cap. Dura de crimine falsi.

VIII.

Clerici, qui scienter, & sponte participaverunt excommunicatis (a Pontifice Summo) & ipsos in officiis receperunt. Cap. Significavit. de Sent. exc.

NB. Hoc solum de excommunicatis denunciatis est intelligendum, & quo casus hic reservatus sit Romano Pontifici, oportet, ut in divinis cum tali fiat communicatio.

IX.

Qui nominatim excommunicato (a Papa) communicat scienter in crimine criminoso, ei consilium impendendo, auxilium, vel favorem. Cap. Nuper; de Sent. exc.

*NB. Hæc vox crimine criminoso notat illud ipsum crimen, quod excom-
mu-*

municationis causa fuit, & quidem excommunicationis publice denunciatae.

X.

Qui in locis interdicto suppositis quemquam divina celebrare officia quomodolibet cogere, aut qui -- -- ad officia eadem audienda aliquos excommunicationis praesertim, vel interdicti ligatos sententia evocare; seu qui, ne excommunicati publice, aut interdicti de Ecclesiis, dum in ipsis Missarum aguntur solemnia: a celebrantibus moniti exeant, prohibere presumpserint.
Clem. Gravis de Sent. exc.

XI.

Excommunicati publice, & interdicti, qui in ipsis Ecclesiis nominatim celebrantibus, ut exeant, moniti remanere praesumpserint. Ibid.

XII.

Religiosi, qui Clericis, vel Laicis Sacramentum Unctionis Extremae vel Eucha-

Eucharistiæ ministrare , matrimonia vel solemnizare , non habita super his Porochialis Presbyteri licentia speciali ; aut qui excommunicatos a Canone , præterquam in casibus a jure expressis , vel privilegiis Sedis Apostolicæ concessis eisdem , vel a sententiis per Statuta Provincialia , aut Synodia promulgatis , seu (ut verbis eorum utamur) a pœna & culpa absolvere quemquam præsumpserint. Clement. Religiosi de privil. & excess. privil.

XIII.

Qui arma , equos , ferrum , ligamina , victualia , & alia quæcunque mercationia in Alexandriam , vel alia loca Sarracenorum Aegypti , deferre mittere , vel portare , seu de partibus eorum , ut eisdem deferantur : extrahere vel extrahi permittere , aut eis alias auxilium , vel favorem præstare quomodo præsumpserint. Extrav. Com. i. de Judæis.

XIV.

Religiosi & Clerici Sæculares , qui aliquos ad vovendum , jurandum vel fide

fide interposita, seu alias promittendum induxerint, ut sepulturam opud eorum Ecclesias eligant, vel jam electam ulterius non immutent. Clement. 3. de pœnis.

XV.

Confessarii, qui sub prætextu facultatum a sede Apostolica concessarum a casibus Papæ reservatis, quæ in extravagante quinta de pœnit. & remiss. enumerantur, absolvere, & emissa peregrinationis ultramarinæ, vel visitationis liminum Apostolicorum Petri & Pauli, in Compostella, & castitatis, ac Religionis commutare, sine speciali licentia a Summo Pontifice accepta præsumpserint. Extrav. com. 5. de pœnit. & remis.

XVI.

Quicumque sive a viribus, sive a mulieribus volentibus ingredi eorum Religionem, Ecclesias, Monasteria, Prioratus, Domus, sive loca, in earundem personarum receptione: aut
ante

ante vel post illam, quoscunque pastus, prandia, seu cenas, pecunias, jocalia, aut alias res etiam ad usum Ecclesiasticum, seu quemvis pium usum alium deputatas, vel deputandas directe, vel indirecte petere, vel exigere quomodo præsumpserint, ipsi quoque dantes. Extrav. com. 1. de simono.

XVII.

Religiosi mendicantes, qui in alium ordinem (ordine Carthusiensem duntaxat excepto) transiverint, tam accepti, quam accipientes. Extrav. com. 1. de Regul. & transf. ad rel.

XVIII.

Quicumque dixerint veras esse assertiones, quibus dicitur eos mortaliter peccare, aut hæreticos esse, qui docent Beatam Mariam Virginem absque originalis peccati macula conceptam esse, Et eos graviter peccare qui ejusdem Immaculatae Conceptionis officium celebrant, audiuntque sermones illorum, qui Eam sine hujusmodi macula conceptam

tam esse affirmant. Item quicumque libros id continentes legere, tenere vel habere præsumpserint. Extrav. com. 2. de vent. Sanct.

XIX.

Si quis iudicium, cujusvis sibi commissæ causæ (de re beneficiæ) expeditionem malitiose prorogare, aut differre præsumpserit. Extrav. com. 1. de Treuga & pace.

XX.

Si quis Religiosus cujuscunque conditionis, Religionis, ordinis, vel status existat, absque Superioris Ordinis sui licentia sibi per litteras patentes concessa, ad partes transmarinas se conferat, in quibus pauci fideles respectu infidelium commorantur. Extrav. com. de regul. & trans. ad relig.

XXI.

Qui corpora defunctorum exenteraverint, & frustatim concisa in aquis decoxerint, ut ossa carnibus spoliata de-
C
fe-

ferant alio tumultanda. Extrav. com.
1, de Sepult.

XXII.

Quicumque falsam Monetam in Regno Franciæ fabricaverint, aut alibi emerint, & emptam in idem Regnum portaverint. Extrav. Joan. XXII. crim. fals.

XXIII.

Omnes Ordinarii, & Officiales Commissarii & Delegati eorum, qui se de dignitatibus ac Beneficiis Ecclesiasticis quibuscunque Officialium (Sedis Apostolicæ) aut negotia apud prædictam sedem prosequentium intromiserint, eos illis forsitan privando, atque privatos decernendo seu declarando, aut cujuscunque privationis prætextu, illa personis aliis conferendo, seu de illis in eos quomodolibet se intromittendo tam dantes, quam accipientes. Extrav. com. 3. de privil.

XXIV.

Inquisitores hæreticæ pravitatis, qui odii, gratiæ, vel amoris lucri, aut
com-

commodi temporalis obtentu contra justitiam, & conscientiam suam omiserint contra quemquam procedere, ubi fuerit procedendum, aut obtentu eodem pravitatem ipsam, vel impedimentum officii sui alicui imponendo, eum super hoc præsumpserint quoquo modo vexare.
Clem 1. de hæret.

XXV.

Omnes, qui aliquod pactum fecerint, vel aliquid promiserint, vel promissionem receperint, aut quidquam dederint, aut receperint pro aliqua justitia, sive gratia per Litteras Apostolicas quibuscunque modis apud sedem Apostolicam obtinenda. Illi quoque, qui aliquem scizerint culpabilem in prædictis, & Summo Pontifici intra dierum trium spatium non retulerint, vel alicui, per quem ad ipsum fideliter perferatur. Extrav.

Nota: 1mo. Etsi fieri possit, quod nonnulli de his casibus a nobis relatis in quibusdam Diocælibus tanquam Ro-

mano Pontifici reservati non habeantur, eos tamen prætermittendos non duxi ideo, quia quotquot in jure Canonico Ei reservatos invenire poteram, exponere constitui.

2do. Præter hic expositos casus in diversis Diœcesibus particulares adhuc quidam Romano Pontifici reservantur; cujus exemplum habemus in Diœcesi Remensi, ubi absolutio a percussione patris proprii ex certa scientia facta Romanæ Sedi est reservata. Quodsi ergo talis consuetudo alicubi obtinuit, se ei conformare tenetur Sacerdos.

3tio. Sunt plures Bullæ, in quibus a certis casibus absolutio Romanæ Sedi reservatur; quæ tamen, quia non ubique sunt receptæ, non ubivis locorum vim legis obtinent, ideo etiam eas hic prætermittimus; ejusmodi enim particularitates e Rituali Diœcesano disci possunt.

4to. Concilium Trident. Episcopis jus asserit absolvendi a casibus Romanæ Sedi reservatis, dum occulti sunt; verum quid per vocem *occultum* Concilium intelligat, Theologi inter se non conveniunt. Quidam occultum æstimant casum, quem nec duæ vel tres personæ, quorum testimonium coram iudice acceptaretur, norunt; alii per occultos intelligunt eos, qui non sunt publici publicitate facti aut juris; alii, qui in iudicio probati, aut confessi non fuerunt; alii qui ad forum contentiosum devoluti non sunt; verisimilior ex his nobis apparet sententia eorum, qui peccatum occultum esse iudicant eorum, quod publicum non est publicitate facti, aut juris.

Peccatum publicum est *publicitate juris*, dum sententia definitiva, qua reus convictus de hoc scelere declaratur, lata est. Publicum autem *publicitate facti* tribus in circumstantiis censi potest. *imo.* Dum factum patratum fuit in præsentia septem

vel octo personarum in loco quodam parvo, ut in collegio, monasterio, capitulo, aut pago; in majori autem, ut in civitate, necessarii sunt ad minus novem vel decem testes, factum hoc pacto publicum nominatur *notorium* *notorietate facti*. 2do. Publicum censetur crimen, dum vel is, qui illud commisit, vel ii, in quorum præsentia factum fuit, illud ipsum numero sufficienti personarum manifestarunt, & crimen hoc modo publicum Canonistæ appellant *manifestum*. 3tio Quando publicum de crimine aliquo est suatum ex conjecturis convincentibus & solidis, etiamsi nullus eorum ejus perpetrationem viderit; quod frequenter respectu concubinatus contingere solet, & hoc dicitur *famosum*; hanc doctrinam nobis suppeditat Navarra Concilio Tridentino contemporaneus hoc modo differens: C. 27. n. 250.

Occultum est, quod non est publicum.
Publicum autem, quod est notorium,
mani-

manifestum vel famosum -- -- Sufficit tamen esse tale viciniae, Collegio, vel Monasterio, licet non Provinciae, civitati, vel Parochiae. Tunc autem dicetur tale alicui eorum, quando majori parti eorum fuerit tale: modo saltem decem inveniantur in eo -- -- Notorium est, quod nititur scientia majoris partis praedictarum communitatum. Manifestum, quod nititur fama ejusdem majoris partis orta ex scientia. Et famosum, quod nititur fama majoris partis orta non ex scientibus, sed indiciis, & praesumptionibus.

Navarra alter Ordinis S. Francisci, qui Innocentii XI. Poenitentiarius erat, explicans, quid in stylo Sacrae Poenitentiariae, de quo ille probe instructus fuerat, occultum dicatur, ita disserit: *In Man. c. 27. de delect. notor. n. 150. Occultum hic dicitur, quod a nemine, vel a tam paucis scitur, quod neque sit famosum, neque manifestum, neque notorium facti, vel juris. Unde etiam si aliquibus notum sit, &*

etiamsi secundum se probabile fit in judicio, dum interim non probatur, neque ad judicium deferitur, est adhuc occultum. Sic v. g. si res, de qua agitur, sit nota duobus, vel tribus aliqujus loci, aut communitatis, aut capituli, adhuc est occulta. Si in oppido est nota quinque aut sex personis, in civitate vero septem, aut octo, adhuc occulta censeretur debet; modo scilicet ab illis jam non fuerit divulgata, aut ex circumstantiis non appareat rem quidem nunc occultam, tamen facile publicandam.

Primus ergo ex his Authoribus, quid vox *occultum* in jure Canonico significet, & quid per eam Concilium Tridentinum intellexerit, nobis explicat, alter autem declarat, quem sensum Pœnitentiaria Romana eidem voci tribuat.

Casus reservatus Romano Pontifici juxta hanc doctrinam occultus censetur, & Episcopi ab eo absolvere possunt,
dum

dum nonnisi paucæ personæ ejus notitiam habent; non obstante, quod hæ sufficientes sint ad probandum in judicio, modo factum non amplius divulgaverint. Item a tali casu absolvere potest Episcopus, ubi is ad forum contentiosum delatus, ac reus liber pronunciatus fuit. Ad hoc tamen non requiritur, ut per sententiam liber pronuncietur, nisi cum ipsum crimen publicitate facti publicum est.

Quidam Galliarum Episcopi vocem *occultum* ita explicant, *occultum hic opponitur publico illi, quod vel in judicio probatum est, vel nulla tergiversatione in tota vicinia celari potest*, juxta hanc eorum explicationem casus occultus censetur, & absolutio illius ab Episcopo concedi potest, quando notorius non est *notorietate juris* per sententiam judicis, aut *notorietate facti*; & ita criminis, quod manifestum, aut famosum est, adhuc absolutionem Episcopus concedere potest. Quo enim Episcopus absolvere

non possit a reservato Romano Pontifici casu, requiritur, ut vel crimen publice commissum fuerit, vel reus tanquam talis per sententiam iudicis pronuncietur; quia extra has duas circumstantias peccatum illud semper adhuc aliquomodo occultum dici potest, scilicet in eo sensu, quo occultum notorio opponitur.

Hæc doctrina ipsi Tridentino Concilio conformis dici potest, quandoquidem termini, quibus Concilium utitur, hoc jus Episcopis asserendo favorabiliter explicari, ac per consequens ad omne illud extendi debet, quod aliquo modo occultum dici valet.

Sententiæ eorum, qui judicant, quod a casu Romano Pontifici reservato, si duabus vel tribus personis notus sit, absolvere non liceat Episcopo, ideo non subscribimus, quia non nisi paucorum est, ac praxi Pœnitentiariæ Romanæ repugnat, a qua
pec-

peccatum occultum censetur, cujus
pauca personæ notitiam habent.

Eorum opinionem, qui factum tum
solum occultum non esse asserunt,
quando de eo sententia judicis non-
dum lata fuit, reprobamus ideo, quia
noviter inventa, in nullo Canonum
fundata, ac nulla solida ratione mu-
nita est.

Jus quoque absolvendi a quocun-
que casu Romanæ Sedi reservato e-
tiam publico Episcopis conceditur re-
spectu omnium personarum, quibus
ad Sacram Sedem recurrere morali-
ter impossibile est.

CAPUT IV.

Regulæ ad interpretationem Ca-
suum Episcopis reservatorum in-
servientes.

Cum impossibile sit universos ca-
sus, quos diversi sibi reservant
Episcopi, hic enumerare; regulas
quas

quasdam generales ad explicandos
eos hic exponimus, quæ his quatuor
versibus includuntur :

*Completum, externum, certum, mor-
tale favores.*

*Auge. Odium stringe. A potiori ratio
nulla est.*

*Mas annos habeat bis septem, fœmina
bis sex*

*Solvo mandantes, quando non jura re-
servant.*

Completum. Hæc vox notat, quod
reservatio casus alicujus non incur-
ratur sola intentione, aut solo cona-
tu patrandi aliquem actum malum,
cujus absolutionem Episcopus sibi re-
servavit, sed necessarium esse, ut
actus reipsa opere compleatur, ita e.
g. ubi homicidium voluntarium inter
reservata Episcopo est, quo reser-
vatum reipsa censeatur, non sufficit
solus conatus occidendi, aut etiam
vulneratio cum intentione occidendi
facta, nisi ex ea mors sequatur, quia
fecus

secus completum homicidium non constituit. Aut ubi computationes in popinis Ecclesiasticis sub pœna suspensionis reservatæ interduntur, non incurrit suspensionem, qui animo bibendi popinam ingreditur, nisi etiam reipsa ibi biberit. Observandum tamen venit, quod Superiores etiam simplicem conatum, & peccatum imperfecte impletum sibi reservare possint; tum autem necesse est, ut hanc intentionem suam expressis verbis declarent.

Externum. Etsi Episcopis jus competat reservandi sibi peccata pure interna, eorum tamen casus reservati de externis solum actibus interpretandi sunt eousque, donec de internis etiam intelligendos esse ipsi declaraverint; hoc enim pacto interpretandos esse usus & consuetudo docent; & hoc est, quod vox *externum* innuit. Ita e. g. dum peccatum hæresis reservatum est, etsi solo actu mentis interno perfici possit, tamen reserva-

tum non censetur, nisi opere quodam externo manifestum fuerit, puta: quod verbis, vel scripto illud declaraverit, actum quemdam religionis externum ponere prætermiserit, sic si Sacrificio Missæ diebus festis interesse neglexisset, aut rem aliquam Sacram profanasset. Etsi externus actus requiratur ad reservationem, ut diximus, tamen necesse non est, ut hic idem externus actus ab aliis advertatur, nisi hæc aliorum advertentia requiratur ab ipso reservante.

Certum. Certitudo dubio opponitur, ideo dum ad reservationem casus requirimus, ut sit certus, intelligendum venit hoc pacto: ut nullum dubium five juris, five facti de casus reservatione subversetur. Per dubium juris intelligimus illud, quod versatur circa ipsam legem, an sit lex, qua tale peccatum Episcopo reservatur, aut an sub reservatione hic idem actus comprehendatur; sic e. g. circa magiam dubium juris esse potest,

test, an magiæ peccatum Episcopo reservetur, aut an sub reservatione, qua hoc peccatum sibi reservat, etiam consulentes magos comprehendere velit.

Circa factum versatur dubium, dum poenitens dubitat, an hoc peccatum commiserit, an illud actu compleverit, an annos pubertatis jam attigerit, an hoc actu mortaliter peccaverit, quia circumstantiæ adsunt, quæ a mortali eum excusare videntur.

Quotiescunque dubium circa jus vel factum subversatur, quisque Sacerdos approbatus etiam specialem a reservatis absolvendi potestatem non habens, a tali peccato absolvere potest. Rationes hujus doctrinæ sequentes sunt, *prima*: quia eodem modo circa casus Romano Pontifici reservados agunt Episcopi; qui quoties dubium circa jus, vel factum versatur, absolvunt. *2da*. quia reservatio casuum est odiosa, & vel ideo ad
ca-

casus certos restringenda , nec unquam ad incertos extendenda est, juxta regulam : *odia sunt restringenda* huic enim ipsi regulæ innixi Episcopi a casibus Romano Pontifici reservatis absolvunt.

Circa hanc doctrinam notandum venit, quod cum id commode fieri potest, confessarius, ubi dubium circa jus versatur, ad Episcopum recurrere, tanquam auctorem legis, & illius interpretationem petere debeat, quodsi vero recursus talis fieri non possit, saltem consilium aliorum, quorum doctrina & pietas probata est, hac super re requirat, ac non nisi tum adhuc perseverante dubio poenitentem absolvat. Pari modo circa dubium facti aliorum consilium exquirere tenetur Sacerdos, ne pro dubio respiciat, quod dubium non est, fit enim vel ex ignorantia, vel ex negligentia de casu quodam reservato tanquam dubio, ubi reipsa dubius non est, absolutionem tribueret, deciperet



ret pœnitentem suum , sacrilegium-
que committeret , ac absolutio data
foret invalida.

Mortale. Hæc vox notat , quod
peccatum quo reservatum fit, mortale
esse debeat, nam peccata venialia con-
fessionis materia necessaria non sunt,
& ideo etiam Episcopus pœniten-
tes, ut pro petenda ab his absolutione ad
se recurrant, compellere non potest;
hinc ergo, si quis peccatum commi-
serit Episcopo reservatum, illudque
vel ob materiæ levitatem, vel alio
capite veniale tantum fit, reservatio-
nem non incurrit.

Quo peccatum reservatum censea-
tur, porro necesse est, ut actus in
se, non autem ex accidenti aliquo
sit mortale peccatum, ita e. g. dum
absolutionem a furto rei sacræ sibi
reservavit Episcopus, necesse est, ut
ipsa materia furti hujus mortale pec-
catum constituat; nam si adeo exi-
guam rem sacram furto sustulisset, quæ
non

non nisi veniale peccatum constituit, non obstante, quod ratione scandali hoc actu dati aut ratione intentionis furandi amplius, aut ratione finis alterius graviter mali talis actus mortale peccatum fiat, tamen peccatum reservatum non esset; quia circumstantiæ tales materiam reservationis non constituentes efficere non possunt, ut peccatum quod sine iis reservatum non fuisset, reservetur.

Favores auge. Id est: licentia absolvendi a reservatis concessa, quia favor est, quantumcunque verba admittunt, extendi potest, sic e. g. cui potestas facta est a casibus reservatis absolvendi parochianos suos, etiam parochianas absolvere potest; imo non solum personas domicilium fixum in Parochia sua habentes, verum quascunque etiam alterius Parochiæ negotiorum causa ibi commorantes, & ad Sacramentum Pœnitentiæ se præsentantes; quia universi hi nomine
Pa-

Parochianorum suorum quodam modo comprehendi possunt.

Licentia absolvendi determinatam personam simul includit casus alios æque reservatos, ab eadem persona, antequam hæc facultas peteretur, commissos, si eorum mentio vel ex ignorantia, vel ex inadvertentia facta non est. Censetur enim Superior consentire, ut absolutio etiam super his detur, sicut cum ab uno casu reservato absolvit, censetur habere intentionem ab omnibus reliquis absolvendi, quibus pœnitens est obnoxius, & quorum confessionem inculpate prætermisit.

Non tamen hoc ipsum extendi debet ad peccata post talem licentiam ante obtentam primo commissa, non enim consensisse in illud, quod nondum erat commissum, censeri potest. Quodsi vero confessarius generaliter licentiam absolvendi a reservatis casibus certam personam ab Episcopo & petit, &
ob-

obtinuit, eam non solum ab ante commissis, verum etiam ab iis, quæ post licentiam talem obtentam, antequam tamen absolveretur, commisit, absolvere potest confessarius, quia licentia a Superiore concessa directe personam respicit, nec ad certum determinatum casum est restricta. Optime aget confessarius, si, dum licentiam a reservatis absolvendi petit, generalem, absolvendi scilicet ab omnibus, quibus persona hæc obstricta est, casibus petierit. Dixi quoque superius, quod ab omnibus æque reservatis, nam si casus specialiter reservatus foret, cujus absolutionem non facile committit Superior, hæc interpretatio non subsisteret.

Odium stringe. Vi hujus reservatio casuum in sensu strictissimo, ac per consequens proprio & naturali terminorum sumenda est, ita e. g. vox *Pater* non nisi de naturali Patre est intelligenda, & non ad vitricum, aut patrem adoptantem extendi potest.

Dux

Duæ tamen sunt circumstantiæ, in quibus termini non in naturali sed in improprio sensu sumi possunt: *1mo.* Dum idem terminus aliam præter naturalem de communi acceptione habet significationem, ut e. g. vox *cenfura*, *Sacramentum*, *beneficium* & aliæ ejusmodi, quas Theologi in alio sensu accipere solent. quam naturalis eorum sensus est. *2da.* Dum propria vocis significatio sensum talem efficeret, qui legem redderet inutilem, aut legi alteri, vel intentioni legislatoris contrariantem; tum enim supponi potest, legislatoris mentem non esse: ut terminus in propria significatione sua assumatur. Quare vox talis eo modo explicanda foret, ut & intentioni legislatoris conveniat, & simul cum antecedentibus & consequentibus, aliisque circumstantiis connexis concordet.

In casibus reservatis termini, *ſi quis*, aut *quisquis* latissimam habent significationem, ita ut non solum mares, ~~verum~~ & fœminæ sub iis intelligi-

ligantur, nisi forte actus talis esset, qui a sexu altero committi non posset.

A potiori ratio nulla est. Hoc est: a casu uno reservato alterius cujusdam casus æqualis, aut majoris malitiæ reservatio inferri non potest; quia reservatio casuum a voluntate Superioris solum pendet. Ab hac generali regula tamen excipiuntur casus graviores, in quibus tota malitia minus gravis peccati, quod explicite reservatum est, includitur; ita e. g. si fornicationis peccatum reservatum sit, etiam adulterium, incestus, & stuprum pro reservatis haberi debent; quia omnem fornicationis malitiam in se habent inclusam, quod si autem non omnem malitiam includat minoris, reservatum censeri non debet, ita e. g. ubi adulterium in loco sacro commissum reservatum est, incestus in eodem loco sacro commissus pro peccato reservato non habetur, quia non omnem adulterii malitiam in se continet.

Mas

Mas annos habeat bis septem, femina bis sex. Etſi Epiſcopis juſ conveniat etiam peccata ab impuberibus commiſſa ſibi reſervandi; quia tamen hoc facere non ſolent, quiſque Sacerdos a caſu reſervato abſolvere poteſt, quem poenitens ante pubertatis annos commiſit, etiamſi poſt pubertatis annos expletos primo illum conſiteatur. Quodſi tamen Epiſcopus ſpecialiter declararet, quod etiam ab impuberibus talia commiſſa peccata ſibi reſervet, declarationi huic ſe conformare tenetur Sacerdos.

Violenta manuum injectio in Clericum vel Monachum juxta *Cap. ult. de Sent. exc.* Epiſcopo reſervata eſt; quod nonnulli ad univerſos caſus Romano Pontifici reſervatos ante pubertatis annos commiſſos extendere volunt. Sed hoc regulæ ſupra datæ, *Odia ſunt reſtringenda*, repugnat.

Solvo mandantes, quando non jura reſervant. Id eſt: niſi ſpecialiter
man-

mandantis mentio fiat in reservatione
casus alicujus, mandatum reservatum
non censetur, quod tamen cum limi-
tatione sumendum esse, non sine
fundamento magni nominis Auctor
putat; ut scilicet, si exprimatur ca-
sus hoc pacto, *si quis blasphemaverit*,
mandantem non comprehendi; bene
vero, si generaliter reservetur *bla-
sphemia, adulterium &c.*


Dum reservatur peccatum etiam il-
lius, qui factum non impedivit, non
quisque non impediens, sed is, qui
vi muneris sui & potuit, & debuit,
intelligendus venit, hoc enim innuit

*Glossa in Cap. Quanta de
Sent. exc.*



ne
m
i-
ne
or
a-
t,
ne
a-

l-
on
ui
t,
it



50-

Biblioteka Jagiellońska



stdr0025648

